

ARUUWEN LEGISLATURE-UN EWE MUUN CHUUK

AUNUNGATIN MWIICHENAP, AEWIN MWIICH ATAPWANAPWAN, NOVEMBER 1984 NAMOPUNG NO.: 2-111

## EW NAMOPUNG

A forata ew State Authority an epwe wisen angang won applications ren foreign business permit mei weneiti Chuuk ren an epwe wor recommendations won seni Muun Chuuk me ren ewe Seketery-in Resources me Development non FSM, usun a affat non Itenap 32 non ewe FSM Code, Annukun Foreign Investment, me pwan ren ekkoch popun.

Epwe pung me ren ewe Legislature-un ewe Muun Chuuk.

Tetten 1. Itemochun. Ei Namopung epwe iteni "State Foreign Investment Act."

Tetten 2. Forutan State Authority. Iei a foruta non Chuuk ew State Authority ren an epwe wisen angang won met application mei titito ngeni Chuuk an epwe awora mefian won ren fan asengesin foreign investment ika sopai seni nukun epwe fis non Chuuk, ekkena applications mei titito ngeni Chuuk ren an epwe wor recommendations me memeef won seni chon Chuuk, usun a affat non Itenap 32 poputa seni Tetten 201 feinno, non ewe FSM Code (Annukun Foreign Investment No. 2-25). Ei Authority, ewe epwe iteni Truk State Foreign Investment Board, epwe ina ewe Truk State Authority, epwe awora official recommendations me memeef ngeni FSM won eochun me ngawen an epwe kawor permit seni ewe Muunapen FSM ngeni ewe sopain nukun.

Tetten 3. Choon ewe State Foreign Investment Board.

a) Ewe Truk State Foreign Investment Board, non ei annuk epwe iteni "Board", iei a foruta. Ewe Board epwe nimmon chon repwe tongeni fout. Ewe Kepina epwe finata ruomon, fiti kapungunon me ren ewe Legislature. Ewe Speaker non ewe Truk State Legislature epwe finieta unumon. Ewe Director non ewe Department of Resouces and Development epwe pwan chon nge epwe emon ex-officio, esap wor an fout.

b) Choon ewe Board repwe wiis non nangatamen ruu ier. Choon ammasowa wiis mei pounono epwe chok sopweno me wiis non metewe ukukun wiis nussun. Choon ewe Board repwe tongeni nomw non wiser kewe tori siwinir ra finita pwan punguno pwe ir mei tufich ne wiis. Choon ewe Board mei pwan tongeni tufichin fin-sefan ngeni ewe Board.

c) Finien ewe Kepina ngeni ewe Board mei katonong ngeni Legislature nupwen an ese mwiich, epwe kapunguno me ren ew committee epwe finita fan iten ena popun me ren ewe Speaker non ewe Legislature; Nge, an Kepina kewe

aewin fin ren choon ewe Board epwe fis me kawor esap mang seni 30 ran me murin poputaan pochokunen ei Annuk; Nge, ika pwe ewe Kepina ese fini finian kewe, iwe ewe Speaker epwe fini ir meinisin ekkewe nimmon chon ewe Board.

d) Ekkewe choon ewe Board ir mei tongeni fout, repwe ir citizen-in FSM me pwan residents non Chuuk non ewe atun ra finita.

e) Ewe Board epwe fini me nein chon ewe Board emon nour Chairman, Vice-Chairman me pwan emon seketeri non fansoun an aewin mwiich.

f) Unumon chon ewe Board ir ekkewe voting members repwe nomw iwe a tongeni wor quorum ika tongeni mwokut angangen ewe Board, nge ren an epwe fis och puung-me paas, epwe wor majority vote ren ekkewe members ir mei now.

g) Wiis mei poonuno me won ewe Board epwe ammasow non chok pwan napanapan an finita choon me nepoputaan, nge ewe Speaker epwe fiti choon wiis non wiis mei poon ika pwe ewe Governor ese fori an fin. Poonunoon wiis epwe chok tongeni fis ika a wor mano, mochen wes ika chipwang me angang ika resign, ika toouun monun ewe Board.

Tetten 4. Katoun Chon ewe Board. Pokiten tufichingaw non angangen wisan-we, tumunungaw ngeni wisan, fofforongaw ika ese fori pungun wisan, emon chon ewe Board mei pwan tongeni toou seni wisan ika pwe a tipeewin fomun (4) choon ewe Board non ar fout.

Tetten 5. Mwiichen ewe Board. Mwiichen ewe Board epwe foruno an epwe fis nupwen fansoun a wor application ren foreign investment permit epwe wor angang won ika atun epwe fis mwiichen nepoputan ika study meeting epwe wor. Ewe Chairperson, ika ion a finita pwe tupun, epwe wisen akkoou mwiichen ewe Board. Aewin mwiichen ewe Board epwe fis esap mang seni 10 raan me murin meinisin chon ewe Board ra fin, epwe akko me ren ewe Director-un ewe Department of Resources and Development. Mwiichen ewe Board epwe fis non Chuuk, chinoon chok ika mei mumuta me ren ewe Speaker, epwe wor ukukun ew wiiken appion me taropwen esinesin ren menni neeni me kunok epwe fis ia, iwe mwiich epwe suuk iteiten fansoun mwiich ngeni public me pekin simpung me appio.

Tetten 6. Choon ewe Board me Niwinir.

a) Choon ewe Board ir chon angangen ewe Muunapen FSM me Muun State resap angei niwinir ren ar fiti mwlichen ewe Board; nge, ren ena sakkun epwe wor administrative leave ngenir nupwen fansoun ar fiti mwlichen ewe Board.

b) Choon ewe Board esap ir chon angangen ewe Muunapen FSM me Muun State repwe angei ukukun \$10.00 emon ew ranin mwlich ir mei fiti.

c) Choon ewe Board repwe angei niwinin sai me ar per diem won aukukun an TT ika FSM rates, menni chok neir e kukun, nupwen ar fori ar angangen wiiser kewe non ewe Board.

Tetten 7. Conflicts of Interest ren Choon ewe Board. Emon chon ewe Board esap tongeni fiti mwokutukutun me angangen ewe Board won eoch mettoch ika pwe i ika emon monun an family mei wor an interest non met epwe punguno, nge epwe angawa me aweiresi an epwe wenechar mefian won ewe mettoch.

Tetten 8. Aninnis seni Department of Resources and Development ngeni ewe Board. Ewe Director-un Resouces and Development non Chuuk, me nukun an-we emon ex-officio, ese pwan wor an tufichin fout, epwe awora aninnisin pekin me angangen seketeri me clerk pwan administrative me pekin cheki ika chosa ngeni ewe Board.

Tetten 9. Wisn ewe Board.

a) Atun chok an ewe Seketerin Resources and Development non FSM, ika loon officer ika menni office non ewe Muunapen FSM a atoura kapiin ewe application ren fan iten echo foreign investment permit ngeni ewe Board ika ngeni ewe a wisn tupuni ren pekin atouren ewe sakkun, ewe Board epwe:

(i) Katon ika nengeni ika ewe anapanapen angangen sopai epwe fis non nap seni ew municipality; pwan

(ii) Ika mei auchea me namot, epwe refer-uni ewe application ngeni ewe State Director non ewe Putaen Resources and Development ren an epwe review-ni me chosani. Ewe Director epwe kutta me iooni sakkopaten information ika met porausen ewe sopai mei wor tungorun me ren ewe Board, ika met information a mefi pwe mei auchea me namot ren kutten me affaten angang won ewe application, iwe a atoura meinisin ekkewe information ika poraus a angei me kuna, ngeni ewe Board non naafen fansoun ren an ewe Board epwe tufichin evaluate-ini

ika kutta me tongeni angang won ewe application, pwan awora an recommendation me memmef ngeni ewe FSM Foreign Investment Board, ika menni pekin a wenengeni me non FSM, iwe ewe Board epwe;

(iii) Awora ngeni ewe municipal council non ewe municipality epwe wor ie ewe sopai, kapiin ewe application, iwe a tungor ngeni ewe council epwe nengeni me awora an recommendation ika epwe kapunguno ika esap kapunguno ewe application, ena recommendation epwe katonong, pwan kawor non ewe fansoun mei finita me ren ewe Board, pwan affatatiw weween me popun an iwe usun ewe recommendation ren ewe application.

b) Ewe Board, non ewe fansoun mei kawor ngeni pwan non ukukun an tongeni, ika non met napanapan a mefi epwe kon-fisioch ren, epwe angei met opinions ika memeef ika recommendations seni choon ewe Legislature ika seni ese nifinifin sakkun mwiichen aramas me nouwiis won ewe application, mei pwan tongeni awora public hearing ika mwiichen arongorong non pusin, an mefaata, fori study ika investigations me esinesin ika angangen kutta met mei namot ren ewe application, pwan evaluate-ini ewe application, anongonong won met ei annuk mei kapas usun aucheani.

c) Ewe Board, non ewe fansoun mei affat ngeni me ren annuk, epwe tinano ngeni ewe FSM Foreign Investment Board, ika meni agency non FSM mei wenengeni, an we recommendation ika decision ren kapungunon ewe application. Ika pwe ewe Board a recommend-ini ika meefi pwe ewe application epwe mumuta me kapunguno, mei pwan tongeni recommend-ini ika awora ekkoch aukuk me annukun katoun ewe permit.

Tetten 10. Anongonong me Auchean Recommendation an ewe Board. Nupwen apungano ika epwe wor ika esap wor recommendation, ika tipeew ngeni ika aputa an epwe kapunguno ewe application ren ewe foreign investment permit, ewe Board epwe anonga an memmef me ekiek won ekkei mettoch mei pachenong:

a) Eochun ewe angangen sopai epwe fis, ngeni pekin moni tonong, non-nomwun me kinamwen aramas, ika nimeochun neni me fonu;

b) aukukun an ewe angangen sopai me mwokutukutun kewe epwe esenipato sakkofesen non pekin export ika imports non Chuuk;

c) aukukun me nonoon an angangen me mwokutukutun ewe sopai epwe ataeno, eitaano me amochaano natural resources ika tufichin nepunun non

fonu me neset ren ekkewe sakkun tufich ese tongeni epwe wor siwinin ika a iit, ika an epwe angawano mwokutun nonnomwun ekkewe neeni, ika tumunun an epwe enimengawa faan naang, non asewaan me non saat;

d) aukukun an citizen-in FSM ika Chuuk repwe pach me ar non nemenemen me tumunun ewe sopai, nge ika ewe chon sopai mei charter nukun Chuuk ika FSM, epwe ifa ukukun me nonnoon mumutaan me tipemecheresin, ika mei wor atootun, an ewe sopai epwe forata ew pekin an we angang non Chuuk ika FSM mwach kaan, pwan ika epwe awora me mutata 51 percent-in sea me monien nongonong ngeni aramasen Chuuk ika FSM;

e) tipemecheresin ewe chon sopai, ika met atoot mei awora an epwe akkomwa chon Chuuk me FSM ekiekin me katonongen chon angang me pwan asukunaar ika train-inir non ekkewe wiis ika positions non pekin tumunun me nemeneman angang, ika pwan ekkoch kinikinin wiis non pekin programen training;

f) aukukun tufichin awora monien kapitan, tufichin wiis non pekin manager, me pwan ekkoch pekin sinenap mei auchea ren mwokutun ewe sakkun sopai, mei wor ren aramasen Chuuk ika FSM non ewe fansoun poputan mwokutun ewe angang ika mei fetan ngeni an epwe wor mwan kaan;

g) aukukun mwokutun me angangen ewe sopai epwe afeffetaai pekin moni tonong ngeni aramasen Chuuk ika FSM, pwan aukukun ekkewe sakkopaten interests non pekin moni, nonnomwun aramas, eoruni, nimeochun neni non ew me ew municipality, ika Chuuk ika FSM epwe feiengaw me ren ewe sopai;

h) metewe recommendation, ika mei wor, an ewe municipal council mei weneiti ewe angangen sopai; pwan

i) fan mefien ewe Board, metewe pungun ewe charter-analysis ina repotun moni, ena repot epwe kawor fan an ewe applicant expense, me ren ewe kompanien fori repot ewe sakkun kompanien fori repotun moni.

Tetten 11. An Board Recommendations-Esinesin ngeni Kepina/Municipal Councils. Ewe Board epwe tinano kapin an recommendation me decision a fori won ewe application ren foreign business permit, fongon me met popun an apochokuna ewe puung a fori, ngeni ewe Kepina me ewe municipal councils mei weneiti, non chok pwan ewe fansoun ewe Board a tinano an we recommendation me puung won ewe application ngeni ewe FSM Foreign Investment Board, ika ew FSM agency mei weneiti.

Tetten 12. Kaworen Information Ngeni ewe Board. Non an epwe fori angangen wisan kewe mei affat me non ei annuk, ewe Board mei tongeni pwan require-ini ika apochokuna an aramas, ren citizen ika non-citizen, an epwe fiti mwiichen arongorong an ewe Board won ewe application, ren an ewe aramas epwe pwarata, ika awora atun ewe mwiich, ika murin, ika fen mwan, met taropwe, documents, information ika sakkun met mei auchea ngeni apochokunen kapasen me masowen ei annuk.

Tetten 13. Kaworen Moni.

(1) Iei a kawor ukukun \$5,000, ika fite ukukun epwe tongeni naaf, seni ewe Monienapen ewe Muun Chuuk, ren fan asengesin monien mwokutukutun ewe State Foreign Investment Board non FY 1985.

(2) Ei moni mei kawor me ren Tetten 1 epwe no-ngeni ika einet ngeni ewe Kepina, ewe epwe wisen tumunu me nemeni ei moni ren an epwe chok fiti met ewe popun mei affat non Tetten 1, epwe pwan fiti kapasen ewe State Financial Management Act, iwe esap pwan wor nounoun me mwokutukutun ei moni epwe nap seni ei ukukun mei kawor. Nussun moni esemwo mwokutukut ika katou non September 30, 1985, epwe niwinsefaan ngeni ewe Monienapen ewe Muun Chuuk.

(3) Ewe State Foreign Investment Board epwe awora repotun ei moni ngeni ewe Legislature me mwen April 15, 1985, epwe affatatiw:

(a) Tichikin porausen nounoun ewe moni mei kawor me ren Tetten 1, fongon me ukukun nussun mei wor non April 1, 1985; pwan


(b) anapanapen nounoun ewe nussun moni mei wor non April 1, 1985, an epwe nounou non ewe nussun ewe fiscal year, nge och sopopun repot epwe pwan kawor ngeni ewe Legislature ika ew committee mei weneiti, nefinen 20 raan me murin saponoon ewe fiscal year, epwe affatatiw nounoun ewe nussun moni; me


(c) awora ukukun monien ewe Board non Fiscal Year 1986.

Tetten 14. Tufichin Katatiwen Pochokun. Ika och kapasen me masowen ei annuk ika met pochokunan ngeni emon aramas ika och napanap a punguno pwe mei katano pochokunan, metewe nussun masowen ewe annuk ika pochokunan won ekkoch aramas ika napanap ese pwan katano.


Tetten 15. Nounoun. Non an nounou non ei Annuk, eoch a pwan wewe ngeni ekkoch, me pwan pekin met ren ioon a pwan wewe ngeni apponuwan-we, fiti chok met ei Annuk mei awora. Ika pwe a wor osukosukan kapasen ei Annuk me pwan eoch annuk ra u-fongon, kapasen ei Annuk epwe auwonam.

Tetten 16. Poputaan Pochokunan. Ei Namopung epwe poputa pochokunan fansoun an kapunguno me ren ewe Kepina, ika fansoun chok an a winiti annuk won pusin winikapan.

Sain seni:   
Simeon Innocenti, Speaker  
Truk State Legislature

Annetata:   
Datasi Albert  
Legislative Chief Clerk  
Truk State Legislature

Pwiniin maram: Dec 26, 1984

  
Erhart Aten, Governor  
Truk State Government

Pwiniin maram: December 26, 1984

OVERRIDDEN AND PASSED  
1/9/85